

杭州府志
(乾隆)
一

ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一二三八八七九〇〇

定價：人民幣 九五〇〇〇元（全書共三百一十一冊）

杭州府志

撫鄭刻乾隆
志首葉署檢

序

杭郡北宋圖經久佚弗傳南宋建爲行都升杭州曰臨安其志乘之傳於今者有周淙乾道志施諤淳祐志潛說友咸淳志潛志闕佚無多差稱完備若周施二志所存不逮所亡然簿錄家一再重彫傳本綦夥明有夏時正成化志陳善萬厯志去宋未遙而傳本轉希繼其後者康熙間一修於馬如龍再修於李鐸乾隆間一修於王燧再修於鄭澧鄭志成於乾隆甲辰距宣統辛亥百二十有七年光緒中葉前郡守陳文騷陳璠先後諮錢塘丁徵君丙聘士夫之能文者一再修之始於乾隆乙巳續鄭志也訖於光緒甲午稿脫而未授梓歲丙辰屈文六巡按映光延仁和陸冕儕太史懋

勲續纂之書未成而太史已捐館舍會伊通齊公耀珊來長是邦不欲使杭之文獻續而復絕因敦請舊史官錢塘吳補松提學慶坻總裁其事提學長於乙部兼綜掌故抱遺訂墜載筆以宣統三年爲斷旣蒞事論者謂羅願之新安志范成大之吳郡志不是過也書成而授梓之費未敷適余領兩浙師干弢餘燕息樂與都人士樽酒論文縱譚及此謹舉俸餘成斯盛舉抑余聞之鄭志成而提學之外戚金公獨任梓資今丁陸所纂之志又適至提學而聿觀厥成非杭郡之志於提學有夙因歟垂之後世微特藉林韻事要亦爲千載之美譚也歲次壬戌二月督浙使者濟陽盧永祥序

原序一

今上御極之初

詔直省府廳州縣重修志乘備會典館采擇光緒六年杭州府爰有修志之舉十年文駮奉

命守金華十四年移守杭州時和年豐數晉接郡薦紳諮訪文獻知府志自乾隆中葉儀徵鄭公澐卽昭文邵公齊然原纂修刊後訖今一百餘年中更兵事紀載放失未有踵其事者前守昆明龔君嘉雋與郡賢士大夫設局興修越數載束稿如千卷猶綿絕也杭州再罹兵燹官司冊籍蕩然無存故老彫謝傳聞彌寡諸君子蒐訪掇拾於哀盍之餘輟錄竭力旣十得七八會以公私匱乏志

事幾中輟功虧一簣論者惜之文騷方下車亟聘錢塘吳子修庶
常慶坻爲總纂續措官錢千緡俾賡爲之庶常秉家學留意鄉邦
掌故听夕纂錄力辭脩脯分延刑部主事王君同教諭胡君鳳錦
訓導楊君振鎬戴君穗孫舉人孫君樹禮副貢張君大昌通力合
作全志之稟始底於成諸君子敬恭桑梓懷鉛握槧裒然巨帙告
藏於一稊可謂勤矣昔餘姚邵二雲先生於乾隆四十三年至四
十九年間始終志事世稱善本今之體例一仍其舊庶常始任分
修繼總其成異日刊之梨棗庶幾紹鄉先正之遺風文騷權綰郡
符爲政無術猶幸百年墜典及茲而聿觀厥成俾後之覽者將以
陶振風俗宣植節義董正徭賦審政令之利病胥於是乎在故於

其未付殺青時先爲之序用章郡賢士大夫纂輯之勞抑且引爲私幸也光緒十四年戊子首夏杭州府知府祁陽陳文騷序

原序二

志者史之支流也周官誦訓掌道方志而小史掌邦國之志外史掌四方之志志之統於史也久矣自班固氏易太史公八書爲十志於是郡縣徵文攷獻之書悉以志名杭志最古且善夙推潛說友臨安志明有五志存者成化萬厯而以陳善書爲最

國朝有康熙志足繼潛陳者也乾隆四十九年前守鄭公聘餘姚邵先生綜諸舊志成乾隆府志百一十卷篇帙旣富體例尤精顧兵燹以後其書流傳漸尠越今又百餘年咸豐寇亂遺書放紛將以徵攷文獻靡所取資光緒六年前守龔君嘉儁禮延郡之賢士大夫踵邵志爲標目曰光緒杭州府志文繁事富卷帙視前增益

且倍之尋以費絀輟業數稔前守祁陽陳君文騷賡續成之甚盛
事也今年璠承乏知府事郡紳丁君丙以志稿來相屬謂將謀鉞
木而猶懼其或未精審也原纂諸君子或官禁近或官他方期得
通史裁治國聞者一人重任覆核事璠爲延黃巖宿儒王君棻理
董之王君以爲卷踰二百紙近萬番抵牾複纏在所不免乃於原
稿通校一周糾其失而補其漏勒爲例言以待剗氏璠以簿書叢
雜且適丁海防戒嚴之秋風塵鞅掌未遑鉤考惟念府志成書已
逾六朞覆核得人庶成定本載筆之有當史裁與否舉不暇馳騫
高論而攷獻徵文誦茲方志固守土者責也謹書簡末俟後之紬
繹志稿者論定焉光緒二十年六月知杭州府事鬱平陳璠誤

原序三

光緒己卯知杭州府事龔公嘉雋謀於應公寶時丁君丙等延李公榕重修杭州府志其後秦公紉業馮君一梅濮君子潼張君預吳君慶坻等繼之至丙戌而志稿成覽者以爲美猶有憾歲甲午知杭州府事陳公璠與仁和宰伍君桂生謀於丁君丙屬蔡重纂訂焉昔鄉先正徐一夔氏嘗修洪武府志頗稱簡明而惜不傳蔡於鄉先正無能爲役而冒膺此任其何以副諸公之雅意耶乃以乙未莫春強勉赴杭假館丁氏繙閱志稿百數十冊條分件繫博引繁稱鮮可議者惟建置名宦人物稍未詳核而列女一門則委之孫君樹禮皆重加綴輯頗事更張而其餘則悉仍其舊間亦訂

正而補苴之凡分四十門爲卷二百十二乃爲之序曰杭爲宇內
名都左江右湖地靈人傑文武忠孝史冊爛然甲於東南諸行省
而前志流傳則以潛氏說友咸淳志陳氏善萬歷志爲最著皆見
聞殫洽條理詳明足以繫文獻之傳而裨列史之闕至

國朝康熙乾隆二志或簡而未覈或博而不精蓋與潛陳二志未
可同日而語矣今茲所纂雖仍以前志爲本而拾遺訂誤讎校綦
詳固非苟焉鈔撮舊聞以自爲功也且夫地志之書雖爲史之支
流而其體實與史異或乃規撫史書以紀爲首而人物冒稱列傳
則失之僭而近於誣茲編首卷所載不敢稱紀人物分門不名列
傳所以避僭擬之失也周禮誦訓掌道方志以詔觀事土訓掌道

地圖以詔地事蓋古者圖經與方志異而今之地志則不可無圖
第亦置之首簡所以避淆混之失也至於建置兵事名宦人物則
皆以史爲本而參稽羣籍以期美備然而卷踰二百紙近萬番抵
牾複繆知所難免惟望大雅君子是正其闕失焉光緒二十四年
戊戌立秋日黃巖王棻謹序

